



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-058-4/23**
Datum: **10.03.2023. godine**

«Agencija za vodno područje rijeke Save» Sarajevo rješavajući po zahtjevu Investitora Samouslužna autopraonica «GT» vl. Bašić Ivan, Busovača za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice sa pratećim sadržajima u Ulici Luka I u Busovači, na osnovu člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

1. Odbija se zahtjev Investitora Samouslužna autopraonica «GT» vl. Bašić Ivan, Busovača za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice sa pratećim sadržajima, izgrađene u Ulici Luka I, na zemljištu označenom kao k.č. broj: 328/8, 328/9, 328/15 i 329/2 K.O. Busovača, općina Busovača, s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata.
2. Ukoliko davalac usluga, JKP «KOMUNALAC» d.o.o. Busovača, a u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), uskrati pružanje usluga za ispuštanje tehnoloških otpadnih voda sa predmetnog lokaliteta u javni kanalizacioni sistem, vlasnik ili korisnik predmetnog objekta je u obavezi pribaviti odgovarajuće vodne akte, a sve u skladu sa članom 139. stav (1) tačka 3. Zakona o vodama.
3. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete.
5. Ovo Rješenje se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Samouslužna autopraonica «GT» vl. Bašić Ivan, Busovača, dana 15.02.2023., podnijela je ovoj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta samouslužne autopraonice sa pratećim sadržajima, izgrađene u Ulici Luka I, na zemljištu označenom kao k.č. broj: 328/8, 328/9, 328/15 i 329/2 K.O. Busovača, općina Busovača.

U provedenom postupku dostavljena je i pregledana sljedeća dokumentacija:

- Ovjereni kopiji lične karte,
- Kopija Rješenja o odobrenju za obavljanje obrtničke djelatnosti broj: 03-17-2-828/22 od 30.11.2022. izdatog od Službe za lokalni ekonomski razvitak, obnovu i raseljene osobe Općine Busovača,
- Kopija Uvjerjenja o registraciji poreznog obveznika od 11.10.2021. izdatog od Porezne uprave FBiH-Kantonalni porezni ured Novi Travnik,
- Dokaz o uplaćenju upravnoj taksi,
- Ovjereni kopiji Ovlaštenja od 14.02.2023.,
- Kopija Ugovora o zakupu zaključenog dana 28.09.2021. sa Puljić Žarkom iz Busovače,
- Kopija Rješenja o upotrebi objekta broj: 05-19-4-733-4-2020 od 16.12.2020. izdatog od Službe za prostorno uređenje, urbanizam i stambene poslove Općine Busovača,
- Kopija Rješenja o odobrenju izgradnje broj: 05-19-478-2020 od 28.08.2020. izdatog od Službe za prostorno uređenje, urbanizam i stambene poslove Općine Busovača,
- Kopija Rješenja o vodnoj dozvoli broj: 06-21-4059/2020 od 09.11.2020. izdatog od Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna,
- Kopija Računa za utrošak vode i kanalizaciju za februar 2023. izdatog od JKP «KOMUNALAC» d.o.o. Busovača,
- Kopija Ugovora o izvođenju radova (čišćenje separatora) broj: 1/23-DS zaključenog dana 02.03.2023. sa «DELTA PETROL» d.o.o. Kakanj,

- Kopija Zapisnika o uzorkovanju otpadnih voda broj: OV-35/23 AM od 03.03.2023. izdatog od «Inspekt-RGH» d.o.o. Sarajevo,
- Glavni projekat – samouslužna autopraonica, šifra: 12-05/20, svibanj 2020., urađen od «LEDIĆ ARHITEKTURA» d.o.o. Travnik (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-058-3/23 od 07.03.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat samouslužne autopraonice sa pratećim sadržajima je izgrađen u Ulici Luka I, općina Busovača. Objekat se sastoji od 4 natkrivena boksa za pranje vozila i 1 nenatkrivenog.
- Tehnološke otpadne vode od pranja vozila se prikupljaju putem betonskih kanala sa rešetkom i kanalizacionom mrežom odvođe na tretman u tipski separator masti i ulja. Ispust iz separatora je u gradsku kanalizaciju kojom upravlja JKP «KOMUNALAC» d.o.o. Busovača.
- Za čišćenje separatora je potpisan ugovor sa ovlaštenim pravnim licem «DELTA PETROL» d.o.o. Kakanj.
- U konkretnom slučaju se radi o ispuštanju otpadnih voda u javni kanalizacioni sistem kojim upravlja JKP «KOMUNALAC» d.o.o. Busovača, te shodno odredbama člana 110. stav 3. Zakona o vodama i člana 28. Pravilnika o sadržaju, obliku, uslovima, načinu izdavanja i čuvanja vodnih akata nije potrebno izdavanje vodne dozvole za predmetnu aktivnost. Uslove za ispuštanje otpadnih voda iz predmetnog objekta propisat će operator kanalizacionog sistema koji posjeduje Rješenje o vodnoj dozvoli za ispuštanje komunalnih otpadnih voda iz urbanog područja Busovače u površinske vode broj: UP-I/25-3-40-706-4/19 od 17.02.2020. godine izdato od «Agencije za vodno područje rijeke Save» Sarajevo, u kojem su utvrđeni uslovi pod kojima se isto izdalo, a koje je operator dužan ispunjavati u toku važenja Rješenja.

Iz naprijed navedenih razloga, a u skladu s članom 110. stav (3) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-058-2/23 od 20.02.2023.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

za Po ovlaštenju
Rukovodilac sektora za izdavanje
vodnih akata



Wibizy
Haris Ališehović, dipl.ing.građ.

Dostaviti:

- Samouslužna autopraonica «GT» vl. Bašić Ivan
Luka I bb, 72260 Busovača
- AVP, ISV – Vodna knjiga
- Sektor 40, arhiva
- Oglasna ploča, AVP Sava